

AHLI LEMBAGA

TAN SRI SAMSUDIN OSMAN

Pengerusi, KWSP



Tan Sri Samsudin Osman telah berkhidmat sebagai Pengerusi Lembaga KWSP bermula 1 Februari 2007.

Sebelum ini beliau pernah berkhidmat sebagai Presiden Perbadanan Putrajaya, Ketua Setiausaha Negara, Ketua Pengarah Jabatan Perkhidmatan Awam, Ketua Setiausaha Kementerian Dalam Negeri, Ketua Setiausaha Kementerian Perdagangan Dalam Negeri dan Hal Ehwal Pengguna, Setiausaha Persekutuan Negeri Sabah dan Timbalan Ketua Setiausaha Kementerian Pengangkutan.

Selain menjadi Pengerusi Lembaga KWSP, beliau juga berkhidmat sebagai Pengerusi Kwasa Land Sdn Bhd dan Pengarah di Sime Darby Berhad. Beliau juga merupakan Pro Canselor Universiti Malaysia Terengganu, Canselor Kolej Universiti Bestari, dan Pengerusi Lembaga Pemegang Amanah Mahathir Science Award Foundation.

Beliau memperoleh Ijazah Sarjana Pentadbiran Awam dari Pennsylvania State University, Amerika Syarikat.

DATUK SITI ZAUYAH MD DESA

*Timbalan Ketua
Setiausaha
Perbendaharaan
(Dasar),
Perbendaharaan
Malaysia*




Datuk Siti Zauyah Md Desa dilantik sebagai Ahli Lembaga KWSP mewakili Kerajaan bermula 1 Mac 2016 sehingga 14 November 2019.

Beliau merupakan Ahli Lembaga Pengarah Johor Corporation, Majlis Amanah Rakyat, Bank Kerjasama Rakyat Malaysia Berhad, Pengurusan Aset Air Berhad, Bintulu Port Holdings Berhad, Samalaju Industrial Port Sdn Bhd, Petroliam Nasional Berhad, Malaysia Airports Holdings Berhad dan Kumpulan Wang Amanah Negara. Beliau juga merupakan mantan Ahli Lembaga Pengarah Felda Global Ventures Holdings Berhad, Felda Holdings Berhad, Malaysia Digital Economy Corporation Sdn Bhd, dan Kumpulan Wang Persaraan (Diperbadankan).

Beliau mempunyai Ijazah Sarjana Muda Sains Ukur Bahan (Kepujian) dari University of Reading, United Kingdom dan Ijazah Sarjana Pentadbiran Perniagaan (Perbankan Antarabangsa) dari University of Manchester, United Kingdom. Beliau juga mempunyai Diploma Pentadbiran Awam dari Institut Tadbir Negara.

**TAN SRI
BORHAN
DOLAH**

*Ketua Pengarah
Perkhidmatan
Awam, Jabatan
Perkhidmatan
Awam*



Tan Sri Borhan Dolah telah dilantik sebagai Ahli Lembaga KWSP mewakili Kerajaan bermula 8 Oktober 2018 sehingga 9 September 2019.

Sebelum dilantik sebagai Ketua Pengarah Perkhidmatan Awam Malaysia, beliau pernah memegang beberapa jawatan strategik utama dalam kerajaan antaranya seperti Ketua Setiausaha di Kementerian Pembangunan Luar Bandar, Setiausaha Persekutuan Sabah, Timbalan Ketua Setiausaha (Kewangan & Pembangunan) di Jabatan Perdana Menteri, dan Ketua Pengarah di Jabatan Belia dan Sukan.

Beliau juga merupakan Ahli Tetap Jawatankuasa Peringkat Eksekutif Majlis Tindakan Sara Hidup Negara, Pengerusi Jawatankuasa Pelaburan Lembaga Kemajuan Johor Tenggara, dan Pengerusi Lembaga Pengarah FELCRA Asset Management.

Beliau berkelulusan Ijazah Sarjana Pentadbiran Awam dari University of Hartford, Amerika Syarikat.

**DATO' AMIR
OMAR**

*Ketua Setiausaha,
Kementerian
Sumber Manusia*



Dato' Amir Omar telah dilantik sebagai Ahli Lembaga KWSP mewakili Kerajaan bermula 4 November 2018.

Beliau mula menyertai perkhidmatan awam pada tahun 1988 sebagai Penolong Pengarah Bahagian Pertanian di Unit Perancang Ekonomi, Jabatan Perdana Menteri. Beliau kemudiannya memegang jawatan sebagai Pengarah di Institut Maklumat dan Analisis Pasaran Buruh, Kementerian Sumber Manusia. Sebelum dilantik sebagai Ketua Setiausaha pada tahun 2018, beliau merupakan Timbalan Ketua Setiausaha (Dasar dan Antarabangsa) di Kementerian Sumber Manusia.

Beliau berkelulusan Ijazah Sarjana Sastera dan Diploma Pasca Siswazah dan Sarjana Sastera Ekonomi dari Universiti Manchester, United Kingdom. Beliau juga memiliki Ijazah Sarjana Muda Ekonomi dan Pentadbiran (Ekonomi Luar Bandar) dari Universiti Malaya dan Diploma Pentadbiran Awam daripada Institut Takbiran Awam Negara.

AHLI LEMBAGA

DATUK AMAR JAU SAMION

*Setiausaha,
Kerajaan Negeri
Sarawak*



Datuk Amar Jaul Samion telah dilantik sebagai Wakil Kerajaan dalam Lembaga KWSP bermula 13 Ogos 2019 sehingga 31 Mei 2021. Beliau merupakan Setiausaha Kerajaan Negeri Sarawak.

Selain menjadi Ahli Lembaga KWSP, Datuk Amar Jaul Samion juga merupakan Ahli Lembaga Perbadanan Pembangunan Ekonomi Sarawak (SEDC), Lembaga Sumber Asli dan Alam Sekitar Sarawak (NREB), Perbadanan Perhutanan Sarawak (SFC) dan Lembaga Pembangunan Koridor Wilayah (RECODA) serta sebagai Pengerusi kepada beberapa agensi badan-badan berkanun Kerajaan Negeri.

Beliau memegang Ijazah Sarjana Pentadbiran Perniagaan (Korporat) dari Universiti Ohio, Amerika Syarikat

DATUK SERI PANGLIMA HASHIM PAIJAN

*Setiausaha,
Kerajaan Negeri
Sabah*



Datuk Seri Panglima Hashim Paijan telah dilantik sebagai Ahli Lembaga KWSP mewakili Kerajaan bermula 8 Oktober 2018 hingga 2 November 2019.

Datuk Seri Panglima Hashim pernah berkhidmat sebagai Setiausaha Tetap Kementerian Pembangunan Perindustrian Sabah sebelum dilantik sebagai Setiausaha Kerajaan Negeri Sabah pada tahun 2018. Beliau juga pernah berkhidmat sebagai Pegawai Pentadbir di Kementerian Pembangunan Perindustrian, Jabatan Perkhidmatan Awam Negeri dan Asian Supply Base.

Beliau berkelulusan Ijazah Sarjana Muda Sastera dari Universiti Malaya.

**TAN SRI
AZMAN SHAH
HARON**

*Presiden,
Persekutuan
Majikan-Majikan
Malaysia (MEF)*



Tan Sri Azman Shah Haron telah dilantik sebagai Ahli Lembaga KWSP mewakili Majikan bermula 1 Jun 2007.

Tan Sri Azman ialah Presiden Persekutuan Majikan-Majikan Malaysia. Beliau merupakan ahli Lembaga dalam pelbagai syarikat, antaranya Alangka-Suka Hotel dan Resorts Berhad, dan beberapa anak syarikat Advance Synergy Berhad termasuk Cherating Holiday Villa Berhad.

Beliau juga merupakan Pengerusi Panel Perundingan bagi Industri Hospitaliti di Perbadanan Produktiviti Malaysia, Ahli Lembaga Perbadanan Produktiviti Malaysia, Ahli Lembaga dalam Lembaga Kemajuan Perindustrian Malaysia, Presiden dan Ahli Lembaga Asean Tourism Association, Pengerusi Bersama Working Group Efficiency Issues dan Pengerusi Jawatankuasa Penasihat Industri Jabatan Pengajian Politeknik, Kementerian Pengajian Tinggi.

Selain itu, beliau juga merupakan Pengerusi Confederation of Asia Pacific Employers, Pengerusi Asean Confederation of Employers, Ahli Substantif Majlis Penasihat Buruh Kebangsaan, Ahli Majlis Perundingan Gaji Negara di Kementerian Sumber Manusia, dan Ahli Suruhanjaya Perkhidmatan Awam.

Beliau berkelulusan Diploma Pengurusan Hotel daripada Holiday Inn University, Amerika Syarikat.

**DATUK MOHD
HASNOL AYUB**

*Yang Dipertua
Dewan
Perniagaan
Bumiputera Sabah*



Datuk Mohd Hasnol Ayub telah dilantik sebagai Ahli Lembaga KWSP mewakili Majikan bermula 1 Jun 2009.

Beliau merupakan Yang Dipertua Dewan Perniagaan Bumiputera Sabah.

Beliau berkelulusan Diploma Pasca Siswazah dan Ijazah Sarjana dalam bidang Pengurusan Perniagaan dari University of Wales Cardiff, United Kingdom.

AHLI LEMBAGA

TAN SRI DR. LIM WEE CHAI

*Presiden Emeritus
Persekutuan
Pengilang-
Pengilang
Malaysia (FMM)*



Tan Sri Dr. Lim Wee Chai telah dilantik sebagai Ahli Lembaga KWSP mewakili Majikan pada 1 Julai 2015.

Tan Sri Dr. Lim ialah Pengerusi Eksekutif dan Pengasas Top Glove Corporation Bhd, yang ditubuhkan pada 1991 dan kini merupakan syarikat pengeluar sarung tangan terbesar di dunia.

Beliau terlibat dalam pelbagai Persatuan dan organisasi di Malaysia. Pada tahun 2019, beliau telah dilantik sebagai Fellow Kehormat Institut Fizik Malaysia (IFM). Di samping itu, Tan Sri Dr. Lim kini berkhidmat sebagai Presiden Kehormat Dewan Perniagaan dan Industri Cina Malaysia. Beliau juga memegang peranan Penasihat Kehormat Seumur Hidup Persekutuan Persatuan Cina Malaysia.

Tan Sri Dr. Lim juga telah memegang pelbagai jawatan sebelum ini termasuk Presiden Persekutuan Pengeluar Malaysia, Presiden Persatuan Pengeluar Sarung Tangan Getah Malaysia, Pengarah Persatuan Industri Perubatan Malaysia dan Ahli Lembaga di Lembaga Getah Malaysia, serta Ahli Majlis-Majlis Perniagaan Asia Timur.

Beliau berkelulusan Sarjana Muda Sains (Kepujian) dalam bidang Fizik daripada Universiti Malaya dan Sarjana Pentadbiran Perniagaan daripada Sul Ross State University, Texas, Amerika Syarikat. Pada tahun 2015, beliau memperolehi Ijazah Doktor Falsafah Pengurusan dari Universiti Selangor, Malaysia. Beliau dianugerahkan Ijazah Kehormat Doktor Falsafah dalam Pentadbiran Perniagaan oleh Oklahoma City University, Amerika Syarikat pada tahun 2016 dan Ijazah Kehormat Doktor Falsafah dalam Keusahawanan oleh Management & Science University, Malaysia pada tahun 2018.

DATUK DR. TING DING ING

*Timbalan
Presiden, Dewan
Perniagaan dan
Perindustrian
Sarawak*



Datuk Dr. Ting Ding Ing dilantik sebagai Ahli Lembaga KWSP pada 1 Jun 2019. Beliau memegang jawatan Timbalan Presiden Sarawak Business Federation, dan Sarawak Chamber of Commerce and Industries.

Beliau merupakan Ahli Lembaga Sarawak Multi Media Authority, Ibraco Bhd, Swinburne University Sarawak Sdn Bhd, National Bank of Abu Dhabi Bhd, Pengerusi Swinburne Innovation Sdn Bhd, dan ahli jawatankuasa Malaysian International Chamber of Commerce and Industry. Beliau juga merupakan Konsul Kehormat bagi Australia di Sarawak.

Beliau juga merupakan Fellow Institute of Chartered Accountants Australia and New Zealand, ahli Chartered Accountant Malaysia, Akauntan bertauliah Malaysia, pernah dilantik sebagai rakan kongsi antarabangsa firma Arthur Andersen & Co, dan Hanafiah Raslan & Mohamad.

Beliau pernah dilantik sebagai Ahli Lembaga Pertubuhan Keselamatan Sosial Malaysia (PERKESO), Malaysian Medical Foundation, dan Pengarah Urusan Kumpulan Cahya Mata Sarawak Bhd.

Datuk Dr. Ting Ding Ing memegang Ijazah Sarjana Muda Perakaunan dan Ijazah Kedoktoran daripada Swineburne University of Technology, Melbourne. Beliau kini merupakan Profesor Adjung di universiti tersebut.

**DATO' ABDUL
HALIM
MANSOR**

*Presiden,
Kongres Kesatuan
Sekerja Malaysia
(MTUC)*



Dato' Abdul Halim Mansor telah dilantik sebagai Ahli Lembaga KWSP mewakili Pekerja pada Januari 2017.

Dato' Abdul Halim merupakan Presiden Kongres Kesatuan Sekerja Malaysia sejak tahun 2016 dan merupakan Setiausaha Agung Kesatuan Kebangsaan Pekerja-Pekerja Perusahaan Industri Petroleum dan Kimia (NUPCIW) sejak tahun 1986. Beliau juga merupakan Ahli Lembaga Pengarah Pertubuhan Keselamatan Sosial Malaysia (PERKESO), Pengerusi Giat MARA, Presiden ASEAN Trade Union Council, Ahli Majlis Penasihat Buruh Kebangsaan, Ahli Majlis Perundingan Gaji Negara, dan Ahli Majlis TVET ASEAN.

Selain merupakan ahli kesatuan sekerja yang aktif dengan rekod cemerlang, beliau juga memiliki pengetahuan dan pengalaman luas dalam bidang undang-undang buruh, dasar pekerjaan, hubungan industri, dan keselamatan pekerjaan. Beliau sebelum ini merupakan Ahli Panel Mahkamah Industri dan Ahli Lembaga Rayuan PERKESO.

Beliau kini berkhidmat dengan Nylex (Malaysia) Sdn. Bhd.

**TUAN HAJI
ADNAN MAT**

*Presiden,
Kongres Kesatuan
Pekerja-Pekerja
Awam Di Dalam
Perkhidmatan
Awam (CUEPACS)*



Tuan Haji Adnan Mat telah dilantik sebagai Ahli Lembaga KWSP mewakili Pekerja bermula 1 Jun 2017.

Seorang anggota awam dengan rekod jejak kesatuan yang lama, beliau merupakan Presiden Kongres Kesatuan Pekerja-Pekerja Di Dalam Perkhidmatan Awam (CUEPACS) dan Timbalan Presiden Kesatuan Kebangsaan Pekerja-Pekerja Pihak Berkuasa Tempatan Semenanjung Malaysia.

Beliau bertugas di Majlis Perbandaran Sungai Petani, Kedah. Beliau juga merupakan Pengerusi Majlis Bersama Kebangsaan Bagi Pekerja-Pekerja Sains & Teknologi Dalam Kumpulan Pelaksana.

Selaku Presiden CUEPACS, beliau telah dilantik sebagai Ahli Tetap Majlis Penasihat Buruh Kebangsaan Kementerian Sumber Manusia Malaysia. Beliau juga terlibat secara aktif dalam gerakan Koperasi selaras dengan pelantikan beliau sebagai Setiausaha Koperasi KOSPETA Malaysia Berhad (Koop Negara No 66).

Beliau berkelulusan Diploma The Royal Society for the Promotion of Health (RSH London) dari Institut Kesihatan Umum Kuala Lumpur.

AHLI LEMBAGA

HADIAH LEEN

*Presiden,
Kesatuan Pekerja
Bank Sarawak*



Hadiah Leen telah dilantik sebagai Ahli Lembaga KWSP mewakili Pekerja bermula 1 Februari 2012.

Beliau merupakan anggota Hong Leong Bank Berhad, Cawangan Satok, Kuching. Beliau aktif dalam aktiviti kesatuan sekerja. Sejak tahun 2001, beliau juga merupakan Presiden Kesatuan Pekerja Bank Sarawak, Ketua Wanita Kongres Kesatuan Sekerja Malaysia, Bahagian Sarawak. Beliau menjadi Ahli Eksekutif Lembaga UNI-Apro Region pada tahun 2005 dan dilantik semula pada tahun 2015. Beliau merupakan ahli mewakili panel pekerja dalam Mahkamah Perusahaan pada tahun 2010 dan dilantik semula pada tahun 2015. Beliau juga merupakan ahli International Society for Labour and Social Security Law, Malaysia.

Beliau berkelulusan Diploma Pengurusan Perniagaan daripada Institute of Professional and Managerial Administration, Kolej Putra, Kuala Lumpur, Diploma in International Labour Standards, Fundamental Principles and Rights at Work daripada the ILO Centre Turin, Italy, dan Sijil Pengurusan Anggota daripada Institut Pengurusan Sumber Manusia Malaysia. Beliau menyertai Program Pengarah Wanita Malaysia bersama NAM Institute for the Empowerment of Women pada 2013.

CATHERINE JIKUNAN

*Setiausaha,
Kongres Kesatuan
Sekerja Malaysia
(MTUC)*



Catherine Jikunan telah dilantik sebagai Ahli Lembaga KWSP mewakili Pekerja bermula 1 Jun 2013.

Beliau merupakan Ahli Lembaga mewakili Pekerja di Pertubuhan Keselamatan Sosial sejak 2009 dan Ahli Lembaga Jemaah Rayuan dari 2005. Beliau turut mewakili pekerja Sabah dalam Majlis Perundingan Gaji Negara sejak 2010 dan Panel Mahkamah Perusahaan Sabah dari 2005 hingga kini. Beliau merupakan Setiausaha Kongres Kesatuan Sekerja Malaysia, Sabah; Timbalan Bendahari, Kesatuan Pekerja-Pekerja Bank Kebangsaan dan Naib Presiden Union Network International Asia Pacific.

Beliau berkelulusan Diploma Perbankan dan Sarjana Muda Pentadbiran Korporat (Kepujian), kedua-duanya daripada Universiti Teknologi Mara. Beliau turut memiliki Ijazah Sarjana dalam Labour Policies and Globalisation daripada University of Kassel and Berlin School of Economy, Jerman.

**DATUK
THOMAS
GEORGE M.S.
GEORGE**

*Mantan Ketua
Setiausaha,
Kementerian Kerja
Raya*



Datuk Thomas George M.S. George telah dilantik sebagai Ahli Lembaga KWSP mewakili Profesional bermula pada 1 Jun 2013.

Beliau pernah berkhidmat sebagai Timbalan Pengarah dan kemudiannya sebagai Pengarah Bahagian Penyelidikan dan Perancangan, Jabatan Perkhidmatan Awam dan Penyelaras Projek Kanan, Pengurusan Pembangunan dan Program Kualiti, Institut Tadbiran Awam Negara. Datuk Thomas George M.S. George juga pernah menyandang jawatan Ketua Setiausaha di Kementerian Sumber Manusia dari 27 Mei 2006 sehingga 21 April 2009 dan Ketua Setiausaha di Kementerian Kerja Raya dari 22 April 2009 sehingga beliau bersara.

Beliau berkelulusan Sarjana Pentadbiran Awam dari George Washington University, Amerika Syarikat.

**ZAINAL ABIDIN
MOHD KASSIM**

*Pengarah dan
Rakan Kongsi
Kanan, Actuarial
Partners
Consulting Sdn
Bhd*



Zainal Abidin Mohd Kassim telah dilantik sebagai Ahli Lembaga KWSP mewakili Profesional bermula 1 Jun 2015.

Beliau kini merupakan Pengarah Urusan dan Rakan Kongsi Kanan Actuarial Partners Consulting Sdn Bhd. Beliau memulakan kerjayanya pada tahun 1978 di Prudential Assurance Plc di London.

Beliau berkelulusan (Kepujian) Kelas Pertama dalam Sains Aktuari dari City University, London, dan merupakan Fellow di Institut dan Fakulti Aktuari, United Kingdom. Selain itu, beliau juga merupakan seorang Fellow Persatuan Aktuari Malaysia dan Associate of the Society of Actuaries, Amerika Syarikat serta pernah menjadi Presiden Persatuan Aktuari Malaysia.

AHLI LEMBAGA

KHALID HAJI SUFAT

*Pengarah Bebas
Bukan Eksekutif,
UMW Holdings
Berhad*



Khalid Haji Sufat telah dilantik sebagai Ahli Lembaga KWSP mewakili Profesional bermula 1 Jun 2017.

Sebagai seorang akauntan, Khalid Haji Sufat berpengalaman luas dalam industri perbankan dan memegang beberapa jawatan kanan seperti Pengarah Urusan Bank Kerjasama Rakyat Malaysia Berhad, Pengurus Besar Perbankan Pengguna Malayan Banking Berhad, dan Ahli Lembaga Pengarah MNRB Holdings Berhad.

Beliau sebelum ini menguruskan tiga buah syarikat tersenarai iaitu Pengarah Eksekutif Tronoh Mines Malaysia Berhad, Timbalan Pengerusi Eksekutif di Furqan Business Organization Berhad, dan Pengarah Urusan Kumpulan Seacera Tiles Berhad.

Beliau juga merupakan Pengarah dalam syarikat awam lain termasuk UMW Holdings Berhad dan Chemical Company of Malaysia Berhad.

Beliau merupakan Fellow Chartered Certified Accountants (UK), Ahli Malaysian Institute of Certified Public Accountants, dan Malaysian Institute of Accountants.

ALIZAKRI ALIAS

*Ketua Pegawai
Eksekutif KWSP*



Alizakri Alias merupakan Ketua Pegawai Eksekutif KWSP, jawatan yang telah disandang sejak 20 Ogos 2018.

Beliau menyertai KWSP pada 1 Januari 2014 sebagai Timbalan Ketua Pegawai Eksekutif Bahagian Strategi, bertanggungjawab untuk mengawasi dasar nasional berkaitan perlindungan sosial serta perkembangan produk dan perkhidmatan KWSP. Di samping itu, beliau bertanggungjawab dalam aspek strategi dan urusan korporat, modal insan dan pengembangan bakat.

Alizakri merupakan Ahli Lembaga Pengarah Battersea Power Station Development Company Limited, Sime Darby Plantations Bhd, dan Kwasa Utama Sdn Bhd. Beliau juga merupakan Lembaga Pengarah Astro Malaysia Holdings Bhd sejak Februari 2019 dan pernah menyandang jawatan sebagai Pengarah Lembaga Dialog Group Berhad, Naib Pengerusi Suruhanjaya Teknikal Organisasi, Pengurusan dan Inovasi Persatuan Keselamatan Sosial Antarabangsa (ISSA) dan Setiausaha Jeneral Asean Social Security Association (ASSA).

Alizakri memiliki Sarjana Pentadbiran Perniagaan (MBA) daripada Cornell University dan Sarjana Muda Undang-Undang (LLB) daripada King's College, University of London. Beliau berkecualan sebagai peguam bela dan peguam cara di Mahkamah Malaya dan sebagai Peguam (Lincoln's Inn) di mahkamah England dan Wales.

AHLI SILIH GANTI LEMBAGA

WAKIL KERAJAAN



HAZIM JAMALUDDIN

(31.1.2017 - 14.11.2019)

Kerajaan

Timbalan Setiausaha
Bahagian Pelaburan Strategik (Dasar
Pelaburan), Kementerian Kewangan



**DATUK DR. ROSSLINA
AHMAD MOKHTAR**

(1.6.2019 - 9.9.2019)

Kerajaan

Timbalan Ketua Pengarah
Perkhidmatan Awam (Pembangunan),
Jabatan Perkhidmatan Awam



DATO' LIM ENG HOCK

(1.6.2019 - 26.7.2019)

Kerajaan

Timbalan Ketua Setiausaha (Operasi)
Kementerian Sumber Manusia



**DATU HAJI MOHAMAD
ABU BAKAR MARZUKI**

(13.8.2019 - 31.5.2021)

Kerajaan

Timbalan Setiausaha Kerajaan Negeri
Sarawak (Transformasi Sosioekonomi)
Pejabat Setiausaha Kerajaan Negeri Sarawak



**DATUK (DATU) ROSMADI
DATU SULAI**

(13.8.2019 - 2.11.2019)

Kerajaan

Pengarah Perkhidmatan Awam Negeri Sabah